

Communicaziun a las medias dal 1. da november 2023

Martin Trepp è il nov manader da la BCG regiun Tavau Claustra

Martin Trepp maina a partir dal 1. da november 2023 la BCG regiun Tavau Claustra e daventa il successur da Christian Meuli che va en pensiun suenter passa 27 onns tar la Banca Chantunala Grischuna.

L'onn 2012 ha Martin Trepp (1985) cumenzà tar la Banca Chantunala Grischuna sco trainee en il sector clients da fatschenta. Suenter ha el lavurà sco cussegliader d'interpresa pitschnas e mesaunas (IPM) a Tavau e dapi il 2015 è el il manader dal sector IPM da la regiun Tavau Claustra. Ultra da sias enonuschientschas praticas fundadas da l'affar da banca posseda Trepp in MAS en Financial Consulting ed ha plinavant absolvì in Bachelor of Arts en ciencias socialas.

Martin Trepp è creschì si a Tavau ed è maridà e bab da dus uffants. El viva cun sia famiglia a Tavau Sertig. Per il 1. da november 2023 surpiglia el la direziun da la BCG regiun Tavau Claustra. Cun in team da var 30 collavuraturas e collavuratur è Trepp en il futur responsabel per las filialas a [Tavau](#) e [Claustra](#). «Nus vegnin vinavant ad esser la partenaria da contact cumpetenta per tut las dumondas finanziales ed a surpigliar responsabladad per nosa bella regiun», declera Trepp. La direziun giavischa ad el bler success e plaschair cun sias novas incumbensas.

Chrisitan Meuli banduna la BCG la fin da november 2023 suenter passa 27 onns – da quai 14 sco manader da la regiun Tavau Claustra – e va en pensiun. Durant sia carriera è el stà al puls dal svilup da l'affar da banca. Malgrà il progress tecnologic è il barat personal cun las clientas ed ils clients e cun sias collavuraturas e ses collavuratur adina stà en il center per el. «En tut quels onns hai jau dastgà vesair co che la BCG è sa sviluppada ad in'interpresa moderna ch'è adina restada fidaivla a sias valurs e sia cultura», di Meuli guardond enavos. La direziun engrazia ad el per ses grond engaschi per la BCG durant tut quels onns e giavischa ad el tut il bun per l'avegnir.

Contact:

Thomas Müller, thom.mueller@gkb.ch, telefon +41 81 256 83 11

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.